

山谷詩集注

山

谷

寺

集

注

山谷詩集注卷第三

有惠江南帳中香者戲荅六言二

首洪駒父香譜有江南李主帳中以鵝梨汁蒸沉香用之

百鍊香螺沉水寶薰近出江南一穉黃雲

繞几深禪想對同參選詩豈意百鍊剛化作繞指柔此借用香

螺謂螺甲見下篇注唐本草注曰沉水香出天竺單于二國木似檉柳重實黑色沉

水者是傳燈錄第二十二祖摩挐羅至西印土焚香而月氏國王忽覩異香成穗按

韻書穗亦作縶法華經曰皆得深妙禪定傳燈錄又曰馬祖同參九人

螺甲割崑崙耳香材屑鷓鴣斑欲雨鳴鳩

日未下帷睡鴨春閑

唐本草曰蠶類生雲南者大如掌青黃色

取薰燒灰用之今合香多用謂能發香復來香煙按韻書蠶亦作螺韓鄂四時纂要

載脩甲香方曰取大甲香如崑崙耳者酒

煑蜜熬入諸香等用倦游錄云高竇等州

產生結香山民見香木曲幹斜枝以刀斫成坎經年得雨水漬復鋸取之刮去白木

其香結為斑點亦名鷓鴣斑禮記月令鳴鳩拂其羽李商隱詩睡鴨香爐換夕薰

子瞻繼和復荅二首

置酒未容虛左論詩時要指南迎笑天香

滿袖喜公新赴朝參

史記滑稽傳曰齊威王置酒後宮史記魏

公子無忌傳曰無忌從車騎虛左自迎侯生東京賦曰幸見指南於吾子李善注引

桓譚上便宜曰管仲桓公之指南老杜詩頗怪朝參懶樂天詩時暑放朝參

迎燕温風旒旒潤花小雨班班一炷煙中

得意九衢塵裏偷閑禮記月令季夏之月温風始至此借用韻

書曰旖旒旌旗從風兒此亦借用歐公詩輕寒漠漠侵馳裼小雨班班作燕泥樂天

詩馬入九衢塵又詩聞捷偷閑且勤飲

有聞帳中香以為熬蝎者戲用前

韻二首

海上有人逐臭天生鼻孔司南呂氏春秋曰人有臭

者其親戚兄弟妻妾無能與居焉自苦而居海上人有悅其臭者晝夜隨而不去曹

子建與揚德祖書曰海畔有逐臭之夫列
子曰海上有入好鷗鳥者傳燈錄南泉云
父母已生了鼻孔在什麼處韓非子曰先
王立司南車以端朝夕注云指南車也

但印香嚴本寂不必叢林徧參楞嚴經香

佛言見諸比丘燒沉水香香氣寂然來入
鼻中我觀此氣非木非空非煙非火去無
所着來無所從由是意銷發明無漏如來
印我得香嚴号塵氣倏滅妙香密圓我從
香嚴得阿羅漢祖庭事苑曰梵語貧婆此
云叢林大論云譬如大樹叢聚是名為林
諸比丘和合故僧聚處得名叢林傳燈錄
玄沙傳雪峯召曰備頭陀何不徧參去師
曰達麼不來東土二祖
不往西天雪峯肯之

我讀蔚宗香傳文章不減二班誤以甲為

淺俗却知麝要防閑

南史范曄字蔚宗撰和香方序曰麝本多

忌過分必害沉實易和盈斤無傷棗膏皆鈍甲煎淺俗惟無助於馨烈乃彌增於尤

疾也詩意謂蔚宗之論失於甲而得於麝詩序曰魯桓公不能防閑文姜二班謂彪

固後漢書班彪傳贊曰二班懷文裁成帝墳

謝公擇舅分賜茶三首

外家新賜蒼龍璧北焙風煙天上來明日

蓬山破寒月先甘和夢聽春雷

外家謂母家史記呂

后紀曰呂氏皆以外家惡而幾危宗廟北焙謂建溪北苑官焙後漢竇章傳學者稱

東觀為老氏藏室道家蓬萊山盧仝茶歌曰手閱月團三百片退之詩新月憐半破

又石鼎聯句序云道士倚墻睡鼻息如雷鳴元稹詩鼻息吼春雷

文書滿案惟生睡夢裏鳴鳩喚雨來乞與

降魔大圓鏡真成破柱作驚雷

漢書刑法志曰文書

盈於几閣文選嵇康書曰人間多事堆案盈机魔以言睡鏡以比茶降魔見佛書如

楞嚴經優波離言親見如來降服諸魔制諸外道是也楞嚴經又曰立大圓鏡空如

來藏世說曰夏侯玄嘗倚柱讀書時暴雨霹靂破所倚柱玄色無變楚辭曰凌驚雷

軼駭電乞字作去聲讀○梁元帝金陵子有人讀書握卷即睡梁人謂書為黃妳言

其怡神養性如乳媪也東坡詩引睡文書信手翻

細題葉字包青箬割取丘郎春信來拼洗

一春湯餅睡亦知清夜有蚊雷

隋蕭大園竹花賦曰

縹枝承露細箬來風說文注曰楚謂竹皮曰箬音而勺反玉篇云竹葉也秦少游作

李公擇行狀曰次女適郊祀齋郎丘楫詩

言此茶本欲留遺其壻今乃見分也退之

詩割取乖龍左耳來選詩清夜游西園漢

書中山靖王傳曰聚蟲成雷○柳子厚詩

青箬裹鹽

歸洞客

送碧香酒用子瞻韻戲贈鄭彥能

便糴王丞送酒來○王詵晉卿尚蜀國公主其家酒名碧香彥

能名 僅

食貧好酒嘗自嘲日給上尊無骨相詩曰

食貧漢賜丞相上尊酒糯米二
斗酒一斗為上尊骨相見上注
大農部丞

送新酒碧香竊比主家釀
漢書食貨志曰桑弘羊請置大

農部丞數十人分部主郡國東坡詩碧香
近出帝子家漢書衛青傳曰季與主家僮

衛媪通老杜詩主家陰洞細晉
書何充傳云令人欲傾家釀
應憐坐客

竟無羶更遭官長頗譏謗
老杜戲簡鄭廣文詩廣文到官

舍繫馬堂階下醉則騎馬歸頗遭官長罵
才名四十年坐客寒無羶賴有蘇司業時

時與酒錢文選孔文舉書今之
少年喜謗前輩或能譏評孝章
銀杯同色

試一傾排遣春寒出帷帳
晉書王衍傳每捉玉柄麈尾與

手同色此借用其字老杜詩乾愁要
排遣漢書文帝贊曰帷帳無文繡
浮蛆

翁翁盃底滑坐想康成論泛盃

周禮酒正辨五齊之

名一曰泛齊二曰醴齊三曰盃齊鄭康成注云泛者成而滓浮泛泛然如今宜成醪

盃猶翁也成而翁翁然葱白色如今鄭白翁音烏動反

重門著闢不

為君但備惡客來仇餉

周易曰重門擊柝以待暴客漢書陳

遵傳曰每大飲賓客蒲堂輒關門元次山集以不飲者為惡客孟子曰葛伯率其民要其有酒食黍稻者奪之不授者殺之有童子以黍肉餉殺而奪之書曰葛伯仇餉此之謂也

送鄭彥能宣德知福昌縣

往時河北盜橫行白晝驅人取城郭

往時見上

注橫行見孟子漢書賈誼曰白
晝大都之中剽吏而奪之金
唯聞不犯

鄭冠氏犬卧不驚民氣樂
冠氏縣屬大名府後漢岑熙遷

魏郡太守人歌曰狗吠不驚足下生
整漢書賈誼傳曰德教洽而民氣樂
祗今

化民作鋤耰田舍老翁百不憂
老杜詩祗今年纔十

六七賈誼過秦論曰鉏耰棘矜注云耰摩
田器也南史宋武帝紀孝武曰田舍翁得

此已為過矣老杜詩吾知徐翁百
不憂唐太宗以鄭公為田舍翁
銅章去

作福昌縣山中讀書民有秋
漢官儀曰縣令秩六百石

銅章墨綬福昌縣屬西京書曰乃亦有秋
詩意謂使民安於田里無飢寒之戚必非

文俗吏所能也退之詩曰福昌愛民如父
出宰山水縣讀書松桂林

母當官不擾萬事舉

詩曰豈弟君子民之父母左傳曰當官而

行何強

用才之地要得人眼中虛席十四

五不知諸公用心許魯恭卓茂可人否

退

詩侍從近臣有虛位公今此去何時歸後漢魯恭為中牟令專以德化為理後至侍

中司徒卓茂為密令吏人親愛而不忍欺光武以茂為太傅

顯聖寺庭枸杞

仙苗壽日月佛界承雨露誰為萬年計乞

此一杯土

管子曰百年之計樹之以木漢書張釋之傳曰假令愚民取長

陵一杯土何以加其法乎注云杯音步侯反謂手掬之也乞字去聲讀○本草枸杞

地一名扶踈上翠蓋磊落綴丹乳漢書劉向傳曰梓樹

生枝葉扶踈上出屋蜀志先主傳曰桑樹童童如小車蓋陸機詩踈云枸杞子秋熟

正赤文選宋玉風賦枳句來巢李善注引司馬彪曰桐子似乳著其葉而生此借用

去家尚不食出家何用許本草枸杞條陶隱居注曰俗諺

云去家千里勿食蘿摩政恐落人間采剥枸杞言其強盛陰道也

四時苦言在僧坊則不用食此故免采剥之害東坡先生後杞菊賦曰吾方

以杞為糧以菊為糗春食苗夏食葉秋食花實而冬食根庶幾乎西河南陽之壽

養成九節杖持獻西王母本草枸杞一名西

王母杖老杜詩安得仙人九節杖拄到王女洗頭盆按真誥楊羲夢蓬萊仙翁拄赤

九節杖而
視白龍

次韻子瞻贈王定國

遠志作小草
蠹衣生陵屯
但為居移氣其

實何足言

遠志小草見上注列子曰若蠹為鶉得水土之際則為蠹蟻之

衣生於陵屯則為陵舄注云隨所生之處而變者也孟子曰居移氣養移體詩意謂

士當特立獨行不以窮達所居之異而易其操定國本貴公子嘗坐東坡累遷謫賓

州頗能名下難為久
醜好隨手翻
言名士未必有

實往往隨世俯仰乍賢乍佞也
史記范蠡曰大名之下難以久居國史纂異閻立本

見張僧繇舊畫曰名下定無虛士列子曰賢愚好醜成敗是非無不消滅老杜詩時

來展材力先後無醜好又詩翻手作雲百
覆手兩漢書韓信傳曰公隨手亡矣

年炊未熟見上蓋世成功黍一炊注一垤

蟻追奔異聞集載南柯太守淳于棼事云

槐穴中前行數十里有大城門樓題曰大
槐安國其王以女瑤芳妻生使為南柯郡

守之敗績生妻病死王謂生可斲歸生上車
行俄出一穴見本里間巷入其門見已身

卧堂廡下發悟如初夢中倏忽若度一世
矣遂呼二客尋古槐下穴見大穴洞然明

朗有積土壤以為城郭臺殿之狀有蟻數
斛隱聚其中又有小臺二大蟻處之即槐

安國都邑也又窮一穴直上南枝亦有土
城小樓即南柯郡也宅東一里澗側有大

檀樹藤蘿擁織旁有蟻穴檀蘿之國豈非

山谷言三

此邪山谷喜用此事故具載之東山詩注
曰埳螳塚也追奔用莊子蝸角蠻觸相戰

伏尸逐北之意文選
李陵書曰追奔逐北
夏日蓬山永戎葵茂

墻藩後漢書竇章傳學者稱東觀為老氏
藏室道家蓬萊山爾雅著戎葵注云

今蜀葵也似葵華如木槿華歐陽詹詩云
芭蕉一葉妖戎葵一花妍異無材實資手

植堦墀前漢書揚雄甘泉賦曰
電倏忽於墻藩注云藩籬也
王子吐佳

句如蠶絲出盆晉書胡毋輔之傳王澄曰
彦國吐佳言如鋸木屑又

孫綽傳作天台山賦示范榮期每至佳句
輒云應是我輩語歐公詩問其別後學初

若蠶抽緒禮記曰
夫人繅三盆手
風姿極灑落雲氣盡疊

樽晉書王衍傳風姿詳雅江淹擬許徵君
詩曰五難既灑落周禮司尊彝注曰山